



Ned Geref Gemeente Lyttelton-Oos

FAMILIENUUS

Sondag, 17 Januarie 2010

Hartlik welkom in die erediens vanoggend

Webtuiste: www.lytteltonoos.org.za

VERJAARSDAE : 17 TOT 23 JANUARIE 2010

01/17	BIEBSA	MURPHY	DF MALANLN 243A	Blok 1
01/18	SUNÉ	ROELOFFZE	DF MALANLN 29	Blok 4
01/19	ANTON	VORSTER	KRUGERLN 3	Blok 4
01/19	MAURIZA	SWART	DF MALANLN 121	Blok 3
01/19	LYNETTE	GOUWS	STRELITZIA WS 2	Blok 1
01/20	ADÉLL	UYS	SMUTSLN 120	Blok 2
01/20	NICCA	BURGER	HORTULUS WS 2	Blok 1
01/21	LIZA	KOCK	HANS STRIJDOMLN 204A	Blok 2
01/23	SJ	SWART	CLIFTON PLACE 17	Blok 4
01/23	STEVEN	SWART	DF MALANLN 121	Blok 3

HUWELIKHERDENKINGS : 17 TOT 23 JANUARIE 2010

SONDAG, 17 JANUARIE		
WYNAND EN BETSIE DEYSEL	ERIKA WS 4	Blok 1
DINSDAG, 19 JANUARIE		
WALLY EN TINA HAYWOOD	VAN RIEBEECKLN 136	Blok 2
WOENSDAG, 20 JANUARIE		
TONY EN FRANSIE ENGELBRECHT	HANS STRIJDOMLN 21	Blok 3

GEMEENTEKAMP / KONFERENSIE

29—31 JANUARIE 2010
Karavane, tente, lodge

Konferensie: Saterdag 30 Januarie 08:00—13:00

Bring en braai vir almal: 13:00

Kom kuier saam, leer mekaar ken, gesels saam oor hoe ons die
Here kan verheerlik deur dissipels te wees!



Koste:
Kamp—R200 per gesin
Konferensie—gratis

Plek: Deo Volente
(ongeveer 35 km van die Zam-
besi-afrit)

Meer inligting: kontak Freddie Schoeman (0845818139)

SONDAG, 17 JANUARIE

Deurkollekte : Jeug
Verslae Kerkraad

09:00 Erediens: Freddie Schoeman
09:00 Kindereredienste
10:00 Mentorvergadering/Nuwe Mentors
18:00 Aanddiens
18:45 Senior Kategese Opening
Ouervergadering saam met Jeug

MAANDAG 18 JANUARIE

19:00 Bedieningspanvergadering

DINSDAG, 19 JANUARIE

09:00 Sustersbiduur/Bybelstudie
18:30 Alphakursus

WOENSDAG, 20 JANUARIE

17:00 Biduur

DONDERDAG, 21 JANUARIE

09:00 Bybelstudie Senior Lidmate

SONDAG, 24 JANUARIE

Deurkollekte Motorwag
Sakelys Kerkraad

09:00 Erediens: Freddie Schoeman
09:00 Kindereredienste
18:00 Aanddiens
18:45 Kategese/Ouers kuier saam
19:30 Gesinne kuier/speel saam

MAANDAG 25 JANUARIE

19:00 Bedryfspanvergadering

DINSDAG, 26 JANUARIE

09:00 Sustersbiduur/Bybelstudie
18:30 Alphakursus

WOENSDAG, 27 JANUARIE

17:00 Biduur
19:00 Kerkraadsvergadering

DONDERDAG, 28 JANUARIE

09:00 Bybelstudie Senior Lidmate

SONDAG, 31 JANUARIE

09:00 Erediens
(Voorbereiding)
09:00 Kindereredienste
18:00 Aanddiens

NUWE INTREKKERS

Ons wil julle graag so gou moontlik tuis laat voel en deel maak van ons geloofsgesin! Bly gerus na die diens agter dan ontmoet ons mekaar voor die kansel. Julle kan ook ds Freddie Schoeman (084 581 8139) of Max Amsenga (012 664 3629) skakel.

VOORBIDDING

1. Willie en Tania Neü, Krugerln 250 met Tania se moeder wat ernstig siek is (Blok1).
2. Arthur en Anne Appel, Hans Strojdomln 32 met Anne wat gedurende die vakansie 'n operasie ondergaan het en tuis aansterk (Blok 4).
3. Johan en Elize de Beer, Krugerlaan 218 met Johan wat nog behandeling ondergaan (Blok 2).
4. Clarence en Marike Hewson, Gloverln 196 met Clarence se moeder wat nog siek is (Blok 4).
5. Ons dink in besonder aan Gustav en Heleen Venter, Bettystr 379 met Gustav wat eersdaags nog verdere rekonstruksie-prosedures sal ondergaan na die kaping (Blok 1).
6. Pieter en Anna Veldsman, Tecoma WS 4 met Pieter wat behandeling vir kanker ondergaan (Blok 1)
6. Adolf Crafford, Hans Strijdomln 182 wat nog steeds wag op 'n skenker vir 'n nieroorplanting. (Blok 2). Ons vra voorbeding vir die hele gesin.



Alpha

*'n Geleentheid om die betekenis
van die lewe te ontdek*

19 Januarie 2010—23 Maart 2010

Elke Dinsdagaand om 18:30—21:00

*Kom vra jou vrae
Kom verken die terrein van die geloof
Kom deel in die saamwees*

*Dui jou belangstelling op 'n terugvoervorm aan
of skryf in op ons webblad by
<http://www.lytteltonoos.org.za/inligting/alpha.htm>*

*Almal is welkom! Nooi gerus alle ander (familie, vriende,
kollegas) wat nog die Alpha-kursus bygewoon het nie.*

*Vat vyf: identifiseer vyf persone wat nie die Here of die
warmte en liefde van 'n geloofsgemeenskap ken nie en bou
'n verhouding met hulle op.
Nooi hulle om die Alpha-kursus by te woon.*

DANKOFFER PER INTERNET

Lidmate is welkom om hulle maandelikse dankoffer / gelooffer per internet oor te plaas.

Die gemeente se rekeningbesonderhede is as volg:

ABSA Lyttelton / Takkode: 632 005

Gemeentefonds (vir dankoffers) 600 580 159

Gelooffer: 4050 438 756

Jy kan ook ons webtuiste besoek by www.lytteltonoos.org.za en op die GivenGain ikoon klik om dankofferoordrag te vergemaklik

Daar is ook eDebietordervorms in die konsistorie beskikbaar—kom vra vir een na die diens of skakel Sexta Maree by 0126644458 Maandae of Woensdae of op haar sel 0724344670 of vra een aan by ngk@lytteltonoos.org.za.

NG GEMEENTE LYTTTELTON-OOS

ROEPING

Die roeping van Lyttelton-Oos Gemeente is om God te verheerlik deur dissipels te wees wat vrugte dra.

Dissipels wat vrugte dra leef 'n lewe in oorvloed – 'n lewe van liefde, vreugde en vrede.

Ons glo dat elke lidmaat 'n geroepe dissipel van Jesus Christus is en dat dit ons as gemeente se gesamentlike verantwoordelikheid is om elke lidmaat as dissipel te vorm. Daarom is die ideaal nie net dat elke lidmaat gevorm sal word as dissipel nie, maar om ook ander te help om as dissipels gevorm te word.

Ons gebruik die metafoer van 'n saad wat geplant word, ontkiem, groei en uiteindelik vrugdra as metafoer om die proses van dissipelvorming voor te stel.

Dissipelvorming geskied deur vyf prosesse:

Plant-proses – dit is die proses waardeur die liefde van God in mense se harte geplant word. Die boodskap van God se onvoorwaardelike genade moet 'n integrale deel wees van elke lidmaat se geloofsbelevens.

Sorg-proses – dit is die proses waardeur die saad wat geplant is versorg word. Die liefde en sorg van lidmate van die gemeente vir mekaar as broers en susters bied die vrugbare teelaarde vir die boodskap van God se genade om te ontkiem en te groei.

Voed-proses – die is die proses waardeur die groeiende plant versterk word met die nodige voedingstowwe. Elke lidmaat moet geestelike gevoed word deur die Woord en die Sakramente (doop en nagmaal) in die eredienste, in persoonlike stiltetye, in retreats, bidure en Bybelstudies.

Groei-proses – dit is die proses waardeur die plant groei tot volle wasdom. Lidmate word geroep om die volle potensiaal waarmee die Here hulle toegerus het te ontdek en te ontwikkel.

Vrugdra-proses – dit is die proses waardeur die plant vrugte begin dra wat uiteindelik lei tot 'n ryk oes. 'n Lidmaat wat vrugte dra neem met ywer deel aan die vestiging van God se koninkryk op aarde deur die saad van God se liefde in ander mense se lewens te plant en om 'n stukkende wêreld heel te maak.



GEBEDSBEDIENING

Goeie Môre Gemeente

'n Nuwe jaar met nuwe uitdagings. Ek glo ons gaan 'n wonderlike jaar hê. Die groot geheim natuurlik is om God aan ons kant te hê. Daar is geen uitdaging, droom of gebeurtenis wat kan plaasvind as dit nie God se wil is nie. En dit is ons verantwoordelikheid om Sy wil te vra op alles. Ek dink dis ons grootste uitdaging hierdie jaar om regtig alles wat ons doen in

Sy naam en met Sy goedkeuring te doen. Ek is seker U weet dat dit die beste uitweg is tot sukses. Al dink jy dis hoe gering of onbelangrik. Plaas dit maar in Sy hande. Ek het verlede jaar my besigheid in God se hande geplaas en ek kan daarvan getuig dat dinge net na my kant toe gekom het en verseker gaan ek dit hierdie jaar ook doen. Absoluut op God vertrou en alles aan Hom oorlaat. Probeer dit, glo dit en kyk wat gebeur.

My gebed en die hele gebedspan se gebede is dat hierdie jaar vir u van groot seën gaan wees en dat u God se teenwoordigheid in u lewe gaan voel en Sy wonderwerke sien plaasvind.

Bid hierdie gebed elke dag: (voorbeeld)

Neem my hand, Here, en lei my deur hierdie dag - tree vir tree
Herinner my dat ek nie alles wat ek wil, kan doen nie,
en dit nog minder perfek kan doen.
Net u is volmaak, en met U hulp kan ek my bes doen.
Herinner my daarom om al my hulp by U te soek.

Amen

Enige gebedsversoeke/ondersteuning wat u nodig het kan u gerus deurgee na ons toe. Dit word baie vertroulik hanteer en u kan ook 'n koevert in die kollektiebord plaas of die versoek kaartjie invul. Ons wil graag mense persoonlik opdra aan die Here. Indien u van enige iemand weet wat hulp of gebed nodig het is u welkom om ons te kontak. U is ook welkom om by ons aan te sluit. Ons is nie eksklusief nie.

Gebedspan

Madelaine Steyn: 0823542455
Mariana Strydom: 0824515811
Retha Wessels: 0827720955



LEER JOU BYBEL KEN!

Doen dit op een of beide van die volgende maniere:

'n e-Dagstukkies elke dag in jou inboks!

Werk die Bybel sistematies boek-vir-boek deur 'n gedeelte uit die Bybel elke dag te lees en dan 'n verklaring daarvan daagliks per e-pos te ontvang. Dit is 'n uitstekende manier om die konteks van sekere "onverstaanbare" Bybelverse te verstaan en dan helderheid daaroor te verkry. Mettertyd begin die rykdomme en skatte van die Bybel vir jou al hoe meer toeganklik word!

Die boeke van die Bybel is bedoel om van begin tot einde as 'n geheel deurgelees te word. Slegs op hierdie manier kan ons begin verstaan wat die bedoeling en boodskap van die oorspronklike skrywer was.

Teken in teen slegs R50 per jaar deur die volgende webblad te besoek:

www.sinoos.co.za

Volg die skakel na "Daaglikse e-dagstukkies" wat aan die regterkant van die blad verskyn.

Lees die boeke van die Bybel in volgorde waarin dit ontstaan het.

Het jy geweet dat Jona en Rut in dieselfde tyd geskryf is en perspektief en balans op die boodskap van Esra en Nehemia bied? Of dat Daniël en Ester die jongste boeke in ons Ou Testament is en in die tyd van Makkabese opstande geskryf is? Of dat die evangelie van Johannes en Openbaring saamgelees behoort te word en dat Openbaring meer oor die verlede as oor die toekoms sê?

Dit is onverantwoordelik om die boeke van die Bybel buite hulle ontstaanskonteks te probeer verstaan. *Wanneer ons hierdie konteks egter in berekening bring, vou die inhoud en betekenis van die Bybel voor ons oë oop en hoor ons die stem van die Here soos nog nooit tevore!*

Woordwyser II Bybel in Konteks wil die Bybelleser graag help die Bybel binne konteks te verstaan. Bestel dié insiggewende publikasie by die teetafel teen R90 per kopie.

Die meeste gelowiges in ons land beskik oor 'n Bybel—selfs 'n hele paar! Maar lees ons dit gereeld? En verstaan ons wat ons lees? Woordwyser se e-dagstukkies en die publikasie Bybel in konteks wil die gelowige help om aan die lees te kom en dan met begrip te lees.

Maak gerus gebruik van hierdie geleentheid om die Bybel beter te verstaan en vertel ander ook daarvan.

RUSOORD — BEDDENS BESKIKBAAR

Rusoord het tans beddens beskikbaar in die versorgingsafdeling vir manne. Belangstellendes kan matrone Labuschagne kontak by 012 - 664 5835.

OMGEEBEDIENING

Hierdie jaar wil ons graag met ons bedienings begin deur op u 'n beroep te doen om van hulp te wees. Hoe meer gemeentedelede betrokke raak hoe minder tyd het elkeen nodig om hieraan te bestee. " Vele hande maak ligte werk" is die spreekwoord en ons het regtig 'n hele paar hande nodig om die werk maklik en lig te maak.

Soos u reeds al 'n paar keer in die familienuus gesien het, is daar 'n paar onderafdelings by die Omgeebediening. Ek noem hulle hieronder weer. Kyk waar u graag wil help en waarheen die Here u hart se punt trek. Kom meld by my aan so gou moontlik.

Omgeebediening: Gaan oor mense en hul behoeftes. Dus, as u lief is vir mense is dit die plek vir u!!

Beradingsgroep: Ons is nie terapeute - nie net mense wat luister en omgee. Dit word baie streng vertroulik hanteer. Die bediening sluit in Trauma - soos dood in familie, inbrake ens. Ook Jeug-probleme – dwelms, drank, hantering van groepsdruk, ensovoorts.

Voedselbediening: Dit is nie net vir mense wat nie kos het om op die tafel te sit nie. Dit is ook vir mense wat opgeneem word in die hospitaal; wat siek is by die huis; wat iemand aan die dood afgestaan het. Ons is daar om hulp te verleen vir twee tot drie aande se etes of enige iets anders wat nodig sou wees. Hier het ons die gemeente se insette en ore en oë nodig om ons in kennis te stel van sulke gevalle.

Sieke/hospitaalbesoek span: Ons wil Ds. Freddie se werk 'n bietjie verlig deur hom van hulp te wees om op 'n meer gereelde basis die siekes te gaan besoek en om te gee.

Telefoonbediening: Vrywilligers word benodig wat bereid sal wees om noodlyndiens te doen vir enige gemeentelid wat nie direk met iemand wil praat nie. Die bediening is 'n 24 uur bediening - dus moet u bereid wees om enige tyd beskikbaar te wees. Daar sal so gou moontlik 'n kursus aangebied word.

Vervoerbediening: Ons wil mense bystaan deur hulle te vervoer na funksies by kerk - veral in die aande, of mense wat nie 'n voertuig het nie wat hospitaal toe, na 'n kliniek of winkels toe moet gaan.

Die volgende aksies resorteer ook onder die Versorgingsproses:

Begrafnisbediening, Klub Immergroen, Selgroepe, Jeugselgroepe, Gebedsnetwerk en Sosiale Netwerk.

Die eerste vergadering hierdie jaar vind plaas Maandag, 18de Januarie om 19h00 in die Gemeentesentrum. Ons sien uit daarna om u daar te ontmoet.

Madelaine Steyn
Sel: 0823542455

OMSENBRIEF VIR JEUG OUERS 2010 NO 1

Liewe Ouers

Baie welkom by 2010. Ek glo en vertrou dat hierdie jaar groot dinge gaan meebring. Ons beplan baie dinge en met God se hulp sal elke beplanning suksesvol wees. Ek graag 'n ernstige beroep doen op almal doen wat belangstel om behulpsaam te wees met die Jeug in 2010 - Junior en Senior. Meld gerus aan Sondagoggend direk na kerk in die Gemeentesentrum. Dit geld vir nuwe Mentors sowel as bestaande Mentors wat die jaar nog voortgaan.

Ek wil graag van hierdie geleentheid gebruik maak om weer eens aan al die Mentors dankie te sê vir julle hulp en bystand in 2009. Ons het 'n goeie jaar gehad maar 2010 gaan beter wees! Bring gerus nuwe idees en planne saam.

INSKRYWING VIR DIE JUNIOR JEUG VIND PLAAS SONDAGOGGEND DIREK NA KERK. ONS WIL GRAAG DIE OUERS ONTMOET EN AL DIE BESONDERHEDE ONTVANG. DIE TAFELS SAL IN DIE VOORPORTAAL VAN DIE GEMEENTESENTRUM WEES.

Baie dankie vir hierdie jaar. Ons sien uit daarna om saam met u Jesus se boodskap oor te dra aan ons kinders.

Skakel my gerus enigetyd indien u enige navrae het.

Madelaine Steyn
Sel: 0823542455

VIR AANDAG, ASSEBLIEF — AKSIES EN BEDIENINGE

'n Vriendelike versoek — sal u asseblief wanneer u beplan om 'n byeenkoms of vergadering wat nie op die almanak geskeduleer is nie te reël, eers seker maak dat die gemeentesentrum/kerk beskikbaar is op die betrokke dag en tyd.

Skakel Max (012) 664 3629

KURSUS:
GOD'S VISION, GOD'S MISSION
Verstaan God se plan met die wêreld
25-29 Januarie 2010
Koste: Donasie
Vir meer inligting kontak:
Gavin Porter 082 214 5914